

四庫全書

集部

欽定四庫全書

集部

苑洛集卷十一

詳校官庶吉士<sub>臣</sub>李如筠

中書臣劉源溥覆勘

總校官原任中允<sub>臣</sub>王燕緒

校對官中書<sub>臣</sub>賈鏌

謄錄監生<sub>臣</sub>趙鳴皋

欽定四庫全書

苑洛集卷十一

世芳樓 襄毅少保

明 韓邦奇 撰

世芳樓下花竹稠太華拱揖長河流襄毅少保一代良  
正宜經綸坐朝堂當時是誰握衡鈞却令少保養閒身  
君不見吐魯番時逞陸梁乃敢據我西藩王少保赫然  
揮甲兵提戈直指哈密城其酋膽落驚逃奔金印付還

元王孫又不見當時劉瑾持朝權百僚稽首皆爭先少  
保直節難磷磨一見不肯矧肯阿元元不幸類朝綱再  
令少保樂世芳松臯閣老際聖明三部尚書進阿衡駸  
歷中外五十年巍巍勲業真光前吾皇神武御紫宸昌  
期自應生名臣我願天子益嚴師閣老大作安邊陲只  
使常懷廊廟憂莫教獨樂世芳樓

送南太守之保寧

燕山二月杏花開千樹萬樹御城隈柳條新發夾長路

祖筵却傍黃金臺臺下獨策征車去東風日暮起飛埃  
我思郭隗三歎息他年還騎青驄來

劉中鎮萃美

杭州佳麗天下強中鎮才名動聖皇近侍班中親簡陟  
玉符金篆雙龍勅號令一出神鬼驚兩浙六月寒風生  
叱咤指顧雷電走智士勇夫皆俯首我有忠勤結主知  
御書時復來丹墀我行我止誰敢數一或櫻予天子怒  
上方四時充珍鮮長江大海飛黃船三十二宮被龍鳳

匪我玄纁誰許貢湖山奇處起生祠飛碧流丹百尺危  
穹碑高碣鑿瑤石雄文大字論功績復有錢塘百萬民  
黃童白叟傳俱真湖山高湖水深恩光蕩漾君王心湖  
水深湖山高熒熒聲華中鎮勞

劉吏部考滿

石頭城下長江流中有美人乘仙舟順風大帆西北去  
不消一月到皇州知君報最獻天子旭日遙瞻五鳳樓  
金臺正在鳳樓下君好乘春一上遊

七里灘

行路難春風七里灘陰崖暗白日危石湑驚湍挽夫力  
竭舵師瘠盡日才能進咫尺狹塘水隘忽迸流滿船相  
顧無魂魄君不見南來簫鼓輕帆舟一日一夜到杭州  
長子和沈提學沁州壁間韻

長平山下多白骨趙王墓上牛羊牧三晉自古稱繁華  
海水桑田幾翻覆平原公子今如何故宅蕭蕭秋草多  
人生休懷千歲憂百歲浮踪蓬一科塵世紛紛何足較

昔日紅顏今老貌瀛闕開軒邀皓月樂地從來在名教  
閑雲清泉景物良休將身跡滯他方桃花纔落渚蓮發  
回首却已推羣芳高鴻渺渺入青天安得與爾同飛翔  
長歌一聲生風雨坐對黃花金傘張

東烏嶺

東烏嶺上愁雲停東烏嶺下流水腥千章夏木陰森合  
一道盤旋摩青冥鐵崖萬尺罅沉洞俯視還恐坤軸傾  
群峯爭起劍戟列當關拱揖擁嚴城一夫荷戈千人廢



天險豈可階而升却憶當年劉六到如履平地任憑陵  
刺史墜馬三軍走流血如海烏嶺紅長驅西下破竹勢  
劉六豈是真英雄君不見監軍總制紛紛出千金懸賞  
期侯封又不見趙城炊兒赫然怒手提屠刀摧元兇

炊兒年十八九歲與妹母同居流賊三人至其  
家欲犯其妹炊兒怒以其不備提刀盡殺之

送劉尚書自日講學士下南都

北斗星移帝座前詞臣拜命下堯天行行郡國江湖遠

渺渺蓬瀛日月邊  
漢殿十年千卷史  
秦淮萬里一帆煙  
黃金臺下離歌歇  
駐馬停盃各愴然

秋旅

赤葉蕭蕭下晚林  
客舟暫繫轉愁深  
十年宦迹雙蓬鬢  
萬里浮踪一破琴  
江閣風高悲旅笛  
霜城日暮急秋砧  
郵亭寂寞逢村酒  
獨對黃花一醉吟

送僉憲張君按關西

西北窮邊已自荒  
年來時復報災傷  
但令風裁搖山嶽

便是霖膏渥福壤聞說豺狼盈道路不憂鋒鏑在疆場

貪吏之害甚于鋒鏑

定知刺史褰帷日千里澄清六月霜

### 山東參議致仕歸 時年四十三

鄉國清幽萬景奇年來每動古人思首陽月照夷齊墓

在吾家東三十里一奇也

渭野風飄尚父絲

在吾家南二十里一奇也

纔捧綸音

膺帝命

奉詔起用纔兩月

却將迂論起人疑

時差官校掣高唐州官以供應缺失

也撫按三司皆認罪予在省外不知上疏諫止之聖明不較而同時者以為立異

歸來家有書

十卷獨取義經日玩辭

下獄 余既自浙繫至南司聞詔下送北司天威  
赫怒故事下錦衣獄者不過四十乃杖之八十  
且命人監視之

丹詔驚聞下紫宸罪多知與死為隣欲將忠孝酬明世  
敢為艱危惜此身才步月華方憶越

家累在越

忽看雲影即

思秦

老親在秦

寸心一夜愁千里怪得朝來兩鬢新

獄中有感

秋聲瑟瑟夜茫茫此際孤臣倍感傷四海生靈惟聖主

萬年宗社自先皇殷憂直共條山盡痛淚應同汨水長  
却憶秦廷十九客茅焦終得悟君王

梧落霜清鴈已歸可堪縲紲鎖圜扉  
堦前深羨蝸知足海上真慚鳥見幾萬死自甘明主棄一官多與世情違  
山妻舊補牛衣在何日重披上釣磯

山西副使致仕

偶因衰病乞閒身敢向明時學隱淪  
十度拜官多棄斥

下獄二為民  
一致仕二

七年竊祿半風塵

官雖十任止  
歷俸七年

但能知足

皆為樂幸得歸來豈患貧遙憶到家正重九黃花無數  
滿籬新

雜興 癸卯九月也

面拜龍章下玉墀虎頭關上督邊師幾年沙漠無消息  
萬里河山足護持雪滿紅崖春寂寂秋高紫塞草離離  
即今多病成哀謝却學書生日課詩

西風瑟瑟雨疎疎木落沙寒嘆索居無奈琴樽聊共汝  
却看花鳥轉愁予年年九月日移衾枕處處三關報羽書

獨卧青山秋欲暮  
兩河戎馬幾時除

蕭蕭華髮已桑榆  
五十年來一病軀  
三度草廬天詔下  
兩番園土聖恩殊  
棲遲歲月慙明世  
俯仰乾坤笑腐儒  
匡濟曾無纖芥力  
空教三迳屢荒蕪

四海風塵多戰伐  
十年踪跡漫林丘  
尋山問水成頭白  
絮柳飛花過眼愁  
見說長河是天險  
坐看敵騎亦安流  
休將白眼輕班衛  
金印空懸萬戶侯

形勝杭州天下先  
曾持憲節共群賢  
江分吳越連滄海

雲擁金衢入楚天文獻彬彬三道議

杭嚴有碑金衢有秦詞寧紹有記

忠邪歷歷萬人傳他年青史誰收拾莫使浮名負簡編  
虛名誤入蓬瀛選侍講常依日月邊雲拂翠華開寶扇  
香飄御几展緗編昌期景運逢千載周誥虞謨達九天  
遙憶秋來炎暑退定開春殿御經筵

幾上封章學治安迂疎無補却懸冠秦川秋晚花仍發  
晉野春深血未乾聖主幾年勞側席將軍何日獨登壇  
病來深愧雙函劍日日扶藜看藥闌

所務如此可愧也



數年戎馬滿關河，魯督提兵夜又過。  
塞外生俘今幾萬，雲中甲士近如何。  
曾聞漢將旌旗遠，謾說邊庭戰騎多。  
咫尺太原接畿輔，莫教戎馬渡滹沱。

入晉陽

又策征車入晉陽，青山無數晚蒼蒼。  
秋深畦黍經霜熟，雨後林花見日香。  
幾逐孤蓬淹歲月，漫看流水嘆年光。  
遙思故國東籬下，三迳無人蔓草長。

獄中憶五泉舍弟 時五泉先以諫下獄罷歸

豈是世間少兄弟古今寧有此相知思君盡日應無淚  
憶我今宵定有詩同為逆時逢棄斥幾因多難數分離  
聖恩不久金鷄下共醉村南麻子池

晉陽致仕 時年四十五

封章七上許歸田深感皇恩自九天衰病豈緣三黜直

一謫一為民  
兩致仕

迂庸敢謂二疏賢山園赤棗堪釀酒

邑人以棗

為酒家沼金鱗不用錢更有雲霄南去鴈相隨同到華峰

前

時家兄亦致仕

接駕

千步廊邊集珮環  
寶香紅霧襲朝班  
天街風煖聞韶樂  
仙仗雲低識聖顏  
主壁承休來五福  
黃朱昭德列千蠻  
書生過計真迂腐  
猶說虞廷尚克艱

岳墳

黃閣紛紛議講和  
江淮從此欲投戈  
萬松宮晚笙簫迥  
五國城高雨雪多  
楚澤竟亡周社稷  
燕京誰復漢山河

祠前弔古憂時客暮倚南枝一慨歌

送還谷子

十載相思隔帝州天涯此日復離愁湖明返照吳山暮  
楓落寒潮越海秋流涕賈生空上策懷鄉王粲謾登樓  
茫茫水國銷魂地萬里煙波一葉舟

閭闔沉沉萬里遙五雲深處擁簫韶誰將麟史開春講  
日有龍旂候早朝黃閣雍雍周俊彥金貂楚楚漢驃姚  
如君獨上憂時策越嶺東南見海潮

蘭谿夜坐呈慧岩 九月十日也

秋淨星河夜色遙，江城獨坐思迢迢。  
燒殘小閣雙銀燭，

聽盡高樓幾玉簫。桂送暗香如妬月，

庭前有桂一株

竹搖疎影

欲凌霄

窓外有竹一叢

昨朝畫舫逢佳節，撐到西湖第幾橋。

慰遣嚴州士民 時調江西奏免進貢章下

匪才尸素聖恩深，庶何勞淚滿襟。  
明主昌言神禹度，斯民直道葛天心。  
還看匣有平津劍，更喜囊無暮夜金。  
惆悵此時不忍去，且維輕舸越江潯。

喜友見訪

多病還驚歲月過，靜看周易養天和。  
經春陋巷無冠蓋，此日柴門掃薜蘿。  
兩世交情詩卷在，十年為別夢魂多。  
當時童子今華髮，且對清樽一浩歌。

送兩洲宗伯

萬樹春梅映曉晴，一川淑氣拂行旌。  
鳳翔北闕臺空在，龍繞長江水自清。  
一代風雲虛鼎席，百年禮樂屬春卿。  
相逢若問思歸客，衰鬢蕭蕭病已成。

送慧岩歸舟回夜泊野渡頭

人世銷魂是祖筵，朋情別思重淒然。  
烟江風雨秋帆共，山館琴樽夜榻聯。  
寒露自看梧樹月，重陽空負菊花天。  
時九月八日也孤舟獨有餅中酒，痛飲和衣一醉眠。

桐廬舟中

海天時候乍陰晴，歲晏孤帆逐水程。  
兩岸蒼山寒霧合，一江溟雨暮潮生。  
幾年漂泊歸心切，萬里奔忙宦況輕。  
深夜茫茫風浪起，推蓬却見月華明。

西盤尚書

海內耆英復幾人此心無日不山林謾看結綠思歸匣  
慨拂絲朱自解音竹滿西盤來鳳宿泉流姑射聽龍吟  
泉有龍祠也知景物鄉園好天下蒼生屬望深

別端溪尚書

四十年前春進士交情今見舊陳雷青襟綠鬢遊燕閣  
皓首蒼顏上鳳臺新句每裁秋夜月素心同看歲寒梅  
衰余已上求歸疏如子還酬濟世才



怡椿軒 椿崗總憲侍刑部時追思尊翁大司寇  
有作和韻

老幹森森獨占春芳枝還比舊精神陰濃西部雲霄古  
秀發南臺雨露新華國共推金作鼎傳家再見玉垂紳  
高軒珍重怡神意聖主年來眷命頻

送世寧晉帖吳筆

風動微綃落五雲花生吳律掃千軍天涵華嶽雙峯碧  
潮逆長河九派分江令夢醒文思迥張顛醉後姓名聞

寥寥末世蘇黃體滿架珊瑚且贈君

蘭谿九日

越水吳山久倦遊登臨轉覺動人愁  
一簑烟笛滄江暮萬壑寒聲落葉秋  
佳節莫看陶令菊異鄉休上仲宣樓  
楚臺荒草經霜白且把茱萸對酒甌

答無涯都御史

無涯詞伯久馳名寄我新詩字字清  
靈運池邊春草綠滕王閣外浦雲生  
九霄風雨驚龍躍一曲簫韶聽鳳鳴

安得滄洲同結舍盡將花鳥寫春情

南行

兩歲天涯總客程蕭蕭此日復南行  
新砂潮接長江下漁浦風從北海生  
春色欲隨吳地盡野花空逐越山明  
當年俊逸薇垣使千里方舟獨有情

甲子夢中 弘治十七年

自入雲宣兩月程風光漸異獨傷情  
戍樓月落城門閉野塞風寒戰馬行  
幕府神兵傳號令沙場鬼火乍鮮明

玉關人老真堪笑誰息狼烟致太平

聞舍弟至

去年送汝下杭州吳水燕山萬里愁  
青草忽驚靈運夢白河即報李膺舟  
艱危逢役經年別飄泊萍踪此世浮  
已辦新醅期共醉征驂急策莫淹留

書南關壁

四壁青山列畫圍一川流水逐驂騑  
鶯啼花落春將去日暮天遙鳥倦飛  
家遠還時省鴈字途窮應恐負牛衣

驅馳萬里如飄絮回首茫茫覺已非

徐家園竹

碧闌重護小山陰誰種淇涯綠滿林千尺雲霄看鳳宿  
五更風雨聽龍吟寒香欲挹芳梅操直節還通翠栢心  
却憶故園棲迹處秋來高覆草堂深

潞州分司大雨

忽聽千山起迅雷送來溟雨滿霜臺萬竿銀竹參天發  
滿院琪花簇地開坐見乾坤成草昧俄驚滄海走塵埃

大風不久驅雲散還挽晴光白日回

晚下竹竿坡趨靈石

萬壑林濤似海波驅車晚下竹竿坡無邊赤葉愁中見  
幾度黃花客裏過蓬髯還逢秋色改歸心偏傍月明多  
到家不用鱸魚美半畝蔬園十畝禾

高平懷古

路入長平日已昏野花爭發渚禽諠蕭蕭荒塚橫殘碣  
寂寂頽祠倚敗垣澤潞已消唐將業山河猶帶趙人冤

征途弔古三秦客惆悵東風一斷魂

丹坪砦

泥馬南來勢已危東窻長舌計成時十年功廢將軍痛

飛曰十年之功廢於一旦

五國

二帝流此

山遙二帝悲畫省三千周俊彥

羽林百萬漢旌旗

二者高宗皆不能用

請看沁北丹坪砦一旅還

能抗敵師

土人豪傑據此砦金人不能取與宋聲問不通與砦人力抗金師

盤陀驛

青山行盡見孤村下馬盤陀日已昏綠樹滿庭春寂寂

東風時送鳥聲喧

長平

悲風陣陣逐山來  
日暮坑峯白骨堆  
千載誰磨秦劍血  
長平不及杜郵哀

行人指點說秦軍  
往事淒涼那忍聞  
上黨誰更廉頗將  
趙人錯怨武安君

李將軍和嵩山長平驛韻

諸鎮還推澤潞軍  
抱真勲業至今聞  
秋來故砦迷深草



日暮沙寒生野雲

自高平趨潞州和菊軒韻

昨宵風雨過高平  
今日晴川柳色明  
漁笛一聲漳水暮  
青山寒擁潞州城

平陽四首 時予以吏部謫判平陽

汾水春深落晚霞  
沿堤十里盡桃花  
畫船簫鼓遊人醉  
謾說風流是杜家

薰風綠沼碧荷香  
玳宴歌兒舞袖長  
一醉襄陵傾百盞

不知風景是平陽

姑射泉邊萬竹稠來青樓外四山秋重陽醉後歸來晚  
黃菊紛紛插滿頭

清曉寒霜候早朝小童羸馬禁天遙平陽判府催徵出  
檠戟重羅過豫橋

魯提督

聖皇神武降千古提督威聲振四陲十萬強兵皆竄伏  
不須復勒燕山碑

幾年邊騎乘秋入今歲三關獨晏然聞說元戎負韜畧  
三軍齊唱凱歌旋

哭雷仲華

淚洒霜天十萬行為君今日裂肝腸西風吹落靈陂月  
荒塚蕭蕭秋草長

介休三首

縣山

縣山夕照墨雲馳疑似當年縱火時抱玉卞和雙肘足

古今不獨介之推

潞公宅

潞公勲業古今騰自昔人情有愛憎千載故廬人敬仰  
不聞更說錦籠燈

郭林宗祠

四海誰扶漢室顛桐江風節一絲傳知君真隱真明哲  
千載人稱范母賢

得恕夫書

旅舍邊城病不休一封書到慰鄉愁  
柳青沙苑春堪折何日同君上白樓

宇文泰敗高歡於沙苑植柳千株  
白樂天懷友詩曰煙入白樓沙苑暮  
柳苑白樓吾家也

韓信廟

養虎自遺天下患漢高圜轉用張良  
蒯生好似鴻門玦不必登壇論項王

權店樓

四月深山似九秋  
瀟瀟寒雨長離愁  
仲宣無復荊州意  
日暮他鄉一倚樓

渡桑乾

少小不知邊塞道  
鴈門聞說在天涯  
如今流落桑乾外  
南望山陰即是家

山陰在鴈門關外

詔獄過慧岩里

去年送子越江西  
幾度相思夢轉迷  
此日械舟雙棹急

夜深風雨過梁溪

答浙客

憐君風雪入潼關  
斯世茫茫行路難  
爾是浙人應自悉  
蕭蕭生事比君寒

釣臺

江上雙臺俯白雲  
子陵風節古今聞  
皐夔熙績唐虞世  
精一相傳在典墳

華山長卧墮驢翁  
功成海外虬鬚老  
天下已屬赤符人

惟有桐江一絲好

竹 題宗元畫軸

勁節虛心本自奇  
四時常見綠猗猗  
笑他江上羅浮樹  
只放寒花三兩枝

梅答宗元 正德丙子宗元和尚自謂通文武學  
宿於村廟請見六日不許會五泉弟他出過廟  
宗元邀入廟講論至夜深指天曰一天新星象  
五泉歸告予明日宗元再請見亦不許宗元以



畫梅一軸請詩宗元見詩曰不可致矣明日去  
凌霜傲雪不凡才直到嚴冬爛熳開不為春光便改色  
鶯鶯燕燕莫相猜

謝却洪尹贈金 至崇德洪尹異以白金為贈且  
曰此某之俸金非取之民者余曰感君高義但  
司縣之際恐終非法也異曰患難中非平時比  
余曰君不讀論語乎顛沛必於是異乃持去且  
徧以予言告諸士民異平素喜節好義昔宿戶

部得罪且將死親朋不敢近異時為舉子為之  
侍湯藥四十日宿得生還固非密令比也

洪尹高情太古音艱危昏夜贈行金為仁君子存顛沛  
不是當年伯起心

魯橋神 魯橋猿仙神者時傳其能預言人禍福  
官校孫百戶等謁神且布施神一見即曰汝輩  
非拿韓僉事者乎衆曰諾神曰韓公大奸官好  
人浙江民以青天呼之王鎮守無天理我近日

來自京科道部寺無一人不惜其枉世界如翻  
餅時當不久此人異日當大用爾輩當小心待  
之衆應曰不敢神怒曰張某狡猾無狀不念爾  
六歲驚膽子兒乎張股慄叩頭蓋張實遇余少  
禮年六十餘始得是兒項短故神言之官校既  
回皆詣子賀自是待余愈恭而張某尤謹

尸素何曾有寸勞虛名空使萬民謠聖朝法度山難轉  
不似仙神在魯橋

醉翁亭

滁陽天外數峯青  
暮帶雲霞似畫屏  
每向離騷悲楚客  
何心更上醉翁亭

偕邃谷子登映江樓

秋風遙上越江樓

邃谷

兩岸雲山共別愁  
日暮海門潮

正急

苑洛

煙生沙磧樹如浮  
襟期此日還看劍

邃谷

尊

酒他鄉且繫舟  
梅嶺古來多瘴厲

苑洛

南行敢說是奇

遊

邃谷

再過邃谷子

暮雨江頭使節來

邃谷

茅齋一醉菊花盃連朝案牘慚

吾俗

苑洛

今代文章羨子才落木荒雲秋色遠

邃谷

孤

城寒角夜聲哀相看俱是天涯客

苑洛

此地過從更幾

回

邃谷

邃谷將行話別

十年海上謾相逢

苑洛

坐對清尊聽晚松

慧岩

長路風

塵悲逐客

邃谷

南荒禮樂見儒宗

苑洛

看山是處還三

宿

慧岩

去國無心更萬鍾

遼谷

聖主即今思化理

苑洛

未應直道獨難容

慧岩

再會遼谷觀潮閣

萬山落木望蕭蕭

苑洛

久客殊鄉倍寂寥

慧岩

對景益

增離思苦

友竹

望雲空有夢魂遙

遼谷

蕉葭淩亂江風

白

慧岩

島嶼微茫海氣消

苑洛

尊酒明朝與君別

友竹

相思何處獨聞簫

遼谷

落日招提上

遼谷

西風越海邊

苑洛

浩歌聞野牧

慧岩

長笛隔離筵

遼谷

庾嶺千山瘴

苑洛

藍關萬里天

慧岩

北歸吾未卜

遼谷

相對一潸然

苑洛

會遼谷子天然閣

三吳佳麗地

苑洛

高閣一開扉

慧岩

驚嶺開圖畫

遼谷

松關入翠微

苑洛

江潮衝雨下

慧岩

木葉帶雲飛

遼谷

海國相逢幾

苑洛

年來故舊稀

慧岩

烟雨秋江上

友竹

關河故國思

苑洛

開尊疑夢寐

遼谷

執手惜睽離

慧岩

遠道風塵惡

友竹

他鄉歲月遲

苑洛

潮陽何日見

遼谷

不愧讀韓碑

慧岩

燈火湖邊寺

遼谷

相看夜欲闌

苑洛

海雲松影暗

慧岩

風塔鐸聲殘

遼谷

飯出胡麻供

苑洛

更消金秤丸

慧岩

詩成僧入定

遼谷

山月正團圓

苑洛

霜鴈驚鄉思

慧岩

星槎望海門

遼谷

欲歸還覓句

苑洛

既醉復移尊

慧岩

說法聽山鬼

遼谷

行歌答嶺猿

苑洛

明朝即城市

慧岩

此意共誰論

遼谷

月出千山白

遼谷

風高萬壑哀

慧岩

滄江連海闊

苑洛



飛閣倚雲開

遠谷

貧病秋還客

苑洛

登臨夜復杯

慧岩

天涯幾知己

遠谷

候吏莫相催

慧岩

### 留遠谷子

江頭忽報理行舟

苑洛

急策征驂向子留  
滿眼黃花近

佳節

慧岩

數聲白鴈過  
高秋越王臺上可登眺

苑洛

和

靖祠前多倡酬  
且盡渭城一盃酒

慧岩

錢塘南去摠離

愁

苑洛

九日約遠谷子飲  
遠谷子遊勝果寺  
余二人不能

從

昨宵風雨是重陽

苑洛

滿地黃花笑客忙  
飄泊遙憐知

已在

慧岩

登臨謾逐野僧狂  
白衣負我東籬約

苑洛

烏

帽從渠短髮蒼  
湖上秋光未零落

慧岩

不妨小艇載清

觴

苑洛

登保俶寺

錢越王俶入朝於宋國人建塔祝其

來今其塔相傳為保俶寺因以名

百尺浮圖上碧霄

苑洛

登臨此日憶前朝

慧岩

夕陽天

外千山暮

遠谷

秋海江頭八月潮

苑洛

社稷有臣揮痛

淚

慧岩

君王何事樹降標

遠谷

當年城郭分明在

苑洛

十里長塘見野橋

慧岩

封疆吳越百年傳

慧岩

一渡長江竟不還

遠谷

北望猶

存蕭寺塔

苑洛

南歸曾見御函牋

慧岩

秋深宮殿迷寒

草

遠谷

日落湖山起暮煙

苑洛

千古興亡回首夢

慧岩

清尊相對重悽然

遠谷

遠谷將行餞之

秋江兩月駐行旌

苑洛

一度相過一度情

慧岩

明日即

為南去客

遼谷

臨歧數問北歸程

苑洛

霜紅越樹重城

隔

慧岩

雲黑蠻溪萬里行

遼谷

人世生離今夕是

苑洛

謾同尊酒嘆浮萍

慧岩

夜靜潮鳴閣

慧岩

江空月影寒

苑洛

一尊成遠別

遼谷

萬里願加餐

慧岩

不愧三瀧水

苑洛水在廣東韓文公過此有詩

深慙

七里灘

遼谷

播遷吾道在

慧岩

共說報君難

苑洛

別梅溪

才喜逢君又遠違

梅溪

海鄉相對思依依風高古木猿

聲急

苑洛

霜落寒江鴈影稀共向離歌悲祖席

梅溪

不

堪別淚點征衣關河萬里滇南道

苑洛

我獨驅馳馬壯

駢

梅溪

痛飲新聯興轉豪

梅溪

還驚秋色下庭臯雨過叢菊開

金苑

苑洛

風入長林動碧濤山對小樓峯似戟

梅溪

潮

生滄海水如刀天涯零落綈袍在

苑洛

一事無成早二

毛

梅溪

岳墳

武穆祠前落葉秋

慧岩

悲風長夜起松楸精忠萬古南

枝在

苑洛

遺恨無窮汴水流鳳閣誰為天子詔

慧岩

龍

沙空抱上皇憂輿圖竟付東窻計

苑洛

寂寞崖山一葉

舟

慧岩

謁廟

古栢高秋露氣寒

慧岩

橋門初日集儒冠萬年制作從

周禮

苑洛

千仞宮牆拜漢官自是聖朝多化雨

慧岩

還

看吾道障狂瀾迂疎愧我真無補

苑洛

山斗于今正仰

韓

慧岩

松崖方都憲號

時致仕

烏石山高隔世塵

苑洛

長松鬱鬱八千春暖雲不斷靈

脂結

慧岩

晴雪初乾老榦新萬木惟應梅作使

苑洛

孤

根還許竹為隣山腰松下茅堂小

慧岩

中有高翁樂性

真

苑洛

夜話

小坐依脩竹

苑洛

新涼滌素襟殘砧秋戍外

慧岩

長笛

越江潯一客驚蓬鬢

苑洛

孤燈共此心相看清漏盡

慧

岩月轉碧梧陰

苑洛

閱城

東南論勝地

慧岩

吳越此名邦天險連三省

苑洛

城高

帶二江貌貅明劒戟

慧岩

虎豹擁旌幢萬國車書一

苑

洛寰瀛氣自降

慧岩

登天寧寺



石磴層雲出

苑洛

風林百鳥啼秋陰花外轉

慧岩

午院

竹邊低野興逢僧發

苑洛

狂懷共客題浮踪今兩浙

慧

岩 歸夢自關西

苑洛

### 夜歸宿公署

竹光明夜露

慧岩

湖影浸秋城月白千家靜

苑洛

霜寒

九陌清山輿歸路並

慧岩

風榻客窻橫千古陳雷意

苑

洛 相從幸此生

慧岩

### 索戶部夜話

寒雨響簷溜

索

孤燈共夜堂鄉愁聞海柝

韓

旅況對春

觴遠別匆匆話

索

浮生處處忙相看渾不寐

韓

江戍漏

聲長

索

慧岩將賦歸小酌話別

海內論英俊

苑洛

如君復幾人

友竹

還林非倦翼

約齋

縱壑愧修鱗

慧岩

別意春江暮

苑洛

孤懷夜月新

東溪

寄聲頻託鴈

約齋

千里見情真

友竹

庭竹暝烟亂

約齋

江雲野鶴還

慧岩

山光梁水外

苑洛

鳥嘒武林間

友竹

得著先收局

約齋

耽春欲問山

東溪

懸知非俗駕

友竹

世路自漫漫

苑洛

多難知交誼

友竹

離筵倍感懷

約齋

江山真得友

東溪

花鳥欲忘骸

苑洛

聖代恩波濶

慧岩

高名物理乖

苑洛

先機今勇退

友竹

塵絆媿吾儕

約齋

雲淨天光遠

慧岩

江空別意長

苑洛

驪歌聞柳外

友竹

祖席醉花旁

約齋

夜雨他年夢

東溪

巔崖此日韁

慧岩

欲歸歸便得

約齋

洛渭正滄滄

苑洛

將適雙溪

江上樓船待客歸

苑洛

山城尊酒且依依  
宦途歲月他

年夢

慧岩

鄉國田園昨日非  
露冷槿花聞鴈度

苑洛

風

牽行帶憶鱸肥淹留不覺秋宵永

慧岩

漏盡寒譙月滿

扉

苑洛

別慧岩

滿江風雨解離舟

苑洛

病客難禁萬斛愁  
欲去為君仍

水宿

慧岩

重來共我一山遊  
多情衢婺詩篇在

苑洛

過

眼鶯花歲月浮脈脈尊前不成醉慧岩海天蒼莽是杭

州苑洛

獄中 徐東岩御史

多病親三木東岩虛名有四知何能酬聖主苑洛深愧

負明時月落寒砧急東岩秋高夜漏遲推枰聽雞唱苑

洛故國動相思東岩

南省名曾並苑洛西臺罪有餘身如置裏兔東岩命似

釜中魚痛哭懷宣室苑洛佯狂問卜居古今一生死東

岩  
吾道竟何如

苑洛

窻外蕭蕭葉

苑洛

堦前唧唧蛩夜深人寂寞

東岩

天迥

月瞳朧愚直逢明世

苑洛

狂言瀆聖聰拘幽皆自致

東

岩  
敢謂小臣忠

苑洛

梅溪赴滇南

吳江秋雨正瀟瀟

松臯

江上離愁黯不消

苑洛

萬里雲

山初解纜

慧岩

十年京國幾聯鑣

苑洛

鄉情不盡陽關

酒  
慧岩  
客夢還驚越海潮

松臯

萬里滇池俯金馬

慧岩

征鴻渺渺暮天遙

松臯

### 獄中

月華如水近中天

東岩

脈脈相看夜不眠  
湖海蕭條家

在越

北洛

風塵荏苒客居燕  
先幾今已慚  
張翰

東岩小

雅曾聞悼馬遷  
此夕感時多少淚

苑洛

盡隨旅夢入雲

煙

東岩

園土無人晝掩扉

東岩

西風吹送雨霏微  
愁隨落葉蕭

蕭下

苑洛

心逐行雲片片歸  
萬死寧嫌同草木

東岩一

官原不為輕肥平生點檢知無愧

苑洛

塵世何勞較是

非

東岩

兩髻蕭蕭百病攻

東岩

天涯秋盡且飄蓬半籬殘雨催

寒菊

苑洛

幾樹酸聲下晚松愁入夢魂歸故里

東岩

身

無羽翼脫樊籠陰房寂寂人踪少

苑洛

白日時看鬼火

紅

東岩

重門深鎖一燈昏

東岩

十載交情此夜論諫草問君焚

幾度

苑洛

窮途見子謫三番疎窻時有驚風入

東岩

晚



樹猶聞宿鳥喧咫尺堯天傳玉漏

苑洛

聖明不久布洪

恩

東岩

落葉西風過短牆

東岩

遠林疎雨遞微涼三秋松菊鄉

園在

苑洛

五夜關河客夢長世事了知棋一局

東岩

年

華空負酒盈觴與君欲學東山卧

苑洛

十載君恩詎敢

忘

東岩

瞽言無補聖明時

苑洛

幾筋冰鮮萬姓脂

予以奏免進貢得罪

兩

浙口碑遐邇見

東岩

百年心事鬼神知茫茫誰識成周

禮

苑洛東岩以言  
禮得罪

默默惟觀易卦辭燈下相看成一笑

東岩

鐵交窻外冷風吹

苑洛

千里寒城起暮烟

苑洛

蛩聲斷續惱人眠披衣坐對青

燈暗

東岩

步月愁看白鴈還永夜床頭周易在

苑洛

羈

懷雲外蜀山連夏黃記取當年事

東岩

聞道應知愧昔

賢

苑洛

獄中懷程以道

一別茫茫近十年

苑洛

偶來手字墨猶鮮殷勤始見交

遊誼

東岩

激切時聞諫議篇  
涇野聯鑣秋色晚

苑洛  
慄

山對榻雨聲連  
知君此夜相思夢

東岩

定繞圍扉碧樹

煙

苑洛

### 獄中懷呂道夫

如君鄉國最心知

苑洛

咫尺空勞兩地思  
何日論文重

對酒

東岩

今宵遣興且憑詩  
秋深青瑣愁多少

苑洛  
月

落滄江夢幾時  
況是艱危佳節後

東岩

黃花寒雨滿東

離

苑洛

獄中懷曾東石

少岷清瘦近如何

東岩

雲樹相思病轉多別後詩篇今

幾帙

苑洛

秋來風雨憶重過青春已負前年約

東岩

明

月應憐此夜歌生事茫茫各萍梗

苑洛

幾回搔首嘆蹉

跎

東岩

言別

京華一別七年過

苑洛

忽訝相逢在網羅月落梧桐疑

是夢

東岩

夜闌風雨不成歌平生許國心還壯

苑洛

此

日分襟恨轉多去去相期各努力

東岩

敢將衰朽負賢

科

苑洛

苑洛集卷十一

欽定四庫全書

苑洛集卷十二

明 韓邦奇 撰

滿江紅 廣武道中

漠漠霜天孤城下  
九秋時節飄零處  
寒燈獨照荒山幾  
疊渺渺長空哀鴈叫  
淒淒野戍悲笳咽  
望秦川今夜到  
明朝頭應白  
來時候柳可折  
纔回首流芳歇  
嘆玉關人老  
歲光奔迫  
代馬踏殘青海草  
塞風吹落雲中月  
愧

浮沉今已負平生應悲切

金菊對芙蓉 閱兵鴈門登城

樓起層城城蟠絕岫旌旄上拂雲天看龍蛇陣繞虎豹  
關嚴班聲一喏桑乾沸青霄外震裂恒山有英雄驍將  
黃金繡鎧白玉雕鞍北望殺氣騰騰更飛霜漠漠萬  
里行遙把壯心引動鼙鼓填然

君子聞鼙鼓之聲則思戰伐

合當痛

飲黃龍府縱兵十日蒐畋好生擒升竿招徠冒頓約束

樓蘭



滿江紅 哀仲禮

四野停雲哀猿哭瀟瀟渭水傷心處青山雨歇白楊風

起十二樓中誰是主

昔宋儒不忍倍其師云主家十二樓妾身當三千忍妍主衣裳為人

作春著

三千門下空珠履想當時雪夜渡冰舟成何濟

仲禮

每同諸友雪夜趨講席者三冬渡洛水每三鼓始歸

五經義十九史班馬才關隴

志但萋萋荒塚寒莎遍地長夜沉沉何日曉綿綿此恨何時已看宮碑厯厯寫衷腸千行涕

踏莎行

趙氏二子仲典仲禮皆以奇童稱仲典十七秋試歸病於途死仲禮十九秋試

歸病於途死二子生時其母夢紫龍入室即  
飛去人見二子奇特謂必大成皆天殛異矣

綠柳沙迷

宇文泰所植  
千株在沙苑

白樓烟裊

白樂天同州懷  
友皆二子原所

莎青

花落鵑聲香紫龍兩雨沒遙天雙雙玄鶴歸華表子

建才高甘羅年少論經綸那有君懷抱竟一杯黃土掩  
英賢想九原痛恨乾坤老

滿江紅 吳中秋

時序驚心庭臯下梧桐一葉才回首春光幾許早來秋  
色遙憶去年燕市酒忽看今夕吳中月最飄零無定似

浮萍功名客 江干折山萬疊壯志寒歸心切算人間  
業帳何時了絕百歲奔忙愁裏過楚臺漢塚君知得若  
待黃粱夢醒始知休真癡惑

踏莎行 春思

夢轉紅英愁生綠綺小窗獨對應無語雨餘花氣細侵  
簾畫梁燕子雙飛去情緒千端家山萬里鄉心不為  
功名繫沉雲重隔華山青長河不斷空流水

蒲江紅 客思

雪浪連天還幾陣陰風怒作正此際潮生越海吳江楓  
落萬里孤舟漁火對滿山溟雨灘聲惡縱餅中有酒冽  
如泉那堪酌 愁似海心如爍多病體難支閣說海棠  
開了便酬初約七夕重陽都已過楚臺空負朝雲合望  
長安雲樹阻歸程成蕭索

踏莎行 盟臺

落日荒荒停雲脈脈行人共指盟臺說相如曾此挫強  
秦汗青萬古稱豪傑 韓信興劉陶朱霸越英雄自有

謀王策當時一怒顧長刀將軍頸上空流血

玉樓春 客中春

檻外桃花紅似血岸上柳條青可折美人何處春醉眠  
獨倚高樓看明月樓上玉簫聲斷絕江上琵琶還慘  
切夜深風送海潮來回首秦關腸欲結

踏莎行 韓信廟

高嶺連雲繁烟帶雨長楊滿路悲風起將軍墓上草蕭  
蕭荒祠白日眠狐鼠九里山前未央宮裏淒涼往事

煩胃臆烏江汾水兩悠悠東流不盡英雄淚

西江月 春思

殘雪已消往事東風又報春愁珠簾不捲玉香鈎庭院  
遲遲清晝細雨繁花上院輕烟碧草汀洲一聲啼鳥  
水東流春在小橋楊柳

沁園春 重陽

木葉初飛重樓鴈過又是重陽有併開清冽樽中酒綠  
枝含瘦冷籬下花黃佳節難逢茱萸細看劇飲高歌總

不妨君聽取但此身粗健莫更思量 古今總是亡羊  
漫得失輸贏夢一場看龍山事往夕陽明滅楚臺人去  
烟草荒涼牛瞬流光百年浮世回首西風易斷腸對知  
音且頽然一醉山月蒼茫

鷓鴣天 鎮虜臺宴諸將

戈戟叢中玳宴開正同諸將捉生回十年高卧希夷峽  
此日還登鎮虜臺 長劒舞巨觥催帳前金鼓震風雷  
李陵碑外天驕遁遙見旌旗報捷來

西江月 同前

臺下縱橫鐵騎筵前錯落金卮風煙不警太平時正是  
賞心樂事 流水落花片片小橋垂柳絲絲韶光那覺  
是邊陲此日須拋一醉

臨江仙 三月三十日

芍藥牡丹開已罷明朝不是春光鶯兒撩亂送斜陽繁  
華應不盡蜂蝶且休忙 幾架薔薇依碧檻新荷更滿  
芳塘水晶簾外細飄香推枰聽玉樹移座倒金觴



西江月 易水

西望遠山落日南來暮柳繁烟鳥啼花發自年年成敗  
興亡幾變白水河邊壯士黃金臺下英賢到頭惟有  
斬燕丹千古令人哀嘆

祝英臺近 妾薄命

夜光闌紗窻曉啼鳥正當戶春夢岑岑遍繞天涯去恨  
來還自尋思五更風雨應不到東君去處東君處如  
有這箇風光應思我難度況又東風早晚紫飛絮看春

太半韶華匆匆過了是誰把青春孤負

臨江仙 重陽

藍水經霜清徹底玉山遙送青來寒雲浮雨過庭槐白  
衣攜酒至黃菊幾枝開 盛友還逢佳節賞獨憐多病  
形骸登臨未減昔年懷西風齊著力送我上高臺

永遇樂 妾薄命

鶯舌輕調燕泥新綴蝶夢先醒籬落誰家大桃臨水橫  
放一枝紅影此時無奈青樓音信却似餅沉玉井歎青

春容易拋擲早過二分光景  
珠簾半捲銀屏獨倚還  
把雲羅重整檢點韶華嬌柳天桃誰占東君窮此君還  
似楊花無定點點和烟芳徑但無言憑欄悄悄此心自  
省

謁金門 春樓

珠簾捲樓外春愁無限雨過荼蘼春色減落紅驚滿院  
枝上燕慵鶯懶誰與韶光為伴煙柳絲絲迷望眼闌  
干空倚徧

風流子 京華

京華佳麗地風光好難解故園思況洛苑雲山渭濱花  
柳安排春色日待人歸金臺下數聲青燕語幾點白楊  
飛喚起庾愁驚回楚夢不須秋到便想鱸魚虛名和  
虛利中何用苦苦為這棲遲那黃梁易熟白駒難羈教  
旅魂無著鄉心如碎晝長人遠且飲芳卮最是不堪消  
遣午醉醒時

臨江仙 塞上

烽火戍樓明萬里昏昏漠月蕭關數聲羌笛夜漫漫邊  
愁聽不盡鄉淚望潛然逢人莫說封侯事暮雲白骨  
沙寒煖河流血幾時乾將軍多廟筭不久凱歌還

臨江仙 同前

月明敵騎乘秋入兵氛處處塵烟霜青草白曉尤寒塞  
風吹黑水天霰暗陰山將軍親授黃龍鉞提兵十萬  
當先不擒冒頓不回轅怒披金縷甲直指玉門關

蒲庭芳

九夏初長午陰方轉綠  
欒翠葆團團芰荷風動  
香度畫屏前簾捲畫閣  
人靜驚心處時序推遷  
三春裏嬌鶯乳燕今已  
老花間此身還却似亭  
池萍泛飄泊自年年歎  
一生湖海兩鬢闌髮蕭  
索思鄉王粲更憔悴多  
病文園虛窻下不堪情  
況白日抱琴眠

風入松 客春

畫樓簾捲篆烟微  
煖雨霏霏雲山極目  
家千里天涯何日歸期  
寂寞庾愁似海飄蕭潘  
髻成絲鶯兒壓折海

棠枝飛上薔薇深紅淺綠應無數  
逐東風滿院芬菲最是惜花心切  
只憂花落春歸

燭影搖紅端午

荷綠翻風榴紅鬪日端陽節  
湖光百里碧波搖是處華筵列  
菰角玉紅銀白泛金觴香蒲瓊液  
綵懸艾虎錦奪龍舟佳人豪客  
笑語聲誼誰知此際堪悲咽  
騷魂千載尚悠悠日暮吟湘澤  
幾點黃梅雨歇欲懷古俄成悽惻  
不如醉了還勝似醒時免

煩胃膈

中秋月 別舍弟

同在天涯君歸也

協

日暮長途煩蒸溽暑孤館泊誰家

蘆溝橋下望灞陵一樣銷魂塞水流沙

月滿蒹葭飄

零也渭水川川秦山疊疊無奈頻雲遮迢迢今夜

協

想

池塘客夢岑岑還繞京華

踏莎行 夜餞良謀進士入函谷已已

畫閣東頭荼蘼架底一輪明月天如洗潘安年少更多



才馬卿抱病春尤劇 愁溢朱醅情添綠綺天涯易落  
驪歌淚說明朝人渡灞陵橋夢魂隨繞函關去

踏莎行 送童推官

霜滿遙山雲連荒戍征車獨策天涯際幾番回首望京  
華風煙不斷關河樹 鄭國流風晉陽邊地幾年遷逐  
飄零處近聞天子奏神功紫泥不久徵君去

醉蓬萊 七夕

正素秋新霽玉宇澄涼金風蕩暑月上珠簾却鈎簾不

起遠岫雲生奇峯忽出比山峯還翠綠蔭瑤階紅香寶  
檻碧天如水 靈鵲橋成銀河喜度迢迢今夜年年此  
會灞水銷魂有橋平如砥人在流沙看者已老只經年  
別淚天上人間歡娛何處悲愁何處

蘇幕遮 風雨春暮

昨朝風今夜雨雨橫風狂偏在梁園裏斷送春光春幾

許寂寂紅芳漫委青苔墜

詩落花寂寂委青苔  
詞餘紅落盡青苔院

蝶蜂

忙鶯燕語共怨東君不替花為主無計留春春欲去多少

春愁且對殘紅醉

殘紅且愛  
且惜也

木蘭花慢 重陽

碧梧寒景物呈秋象好秋光正玉鴈南飛金風西動白露含霜餅中茱萸酒綠東籬下還見菊花黃試問人間佳節一年幾度重陽共知音一醉紫霞觴得徜徉便短髮蕭蕭從渠落帽也自無妨龍山高人已往看龍山依舊晚蒼蒼樂處須開笑口休思身在他鄉

襄城遺曲 瑟奏

多才自累百感攢結天涯渴病思歸客渭水新豐家山  
在那些南南北北奔馳歲歲年年飄泊悽切悽切好悽  
切鴻鴈又來也天末數聲哀聚散梧桐葉幾陣西風瑟  
瑟玉簫聲斷秦樓月秦樓月星河縹緲萬里波搖照徹  
長江千折長江東下何時歇六代繁華都泯滅夜半寒  
潮蓼岸荒洲石頭建業

踏莎行 秋江

赤葉凋霜黃花冒雨鴈聲秋斷寒江渚一篙新水海潮

來滿山宿莽嵐煙起  
紅蓼灘頭白蘋岸底小航深繫  
漁郎醉笑瓜洲壩下利名人向夜來還逐風波去

黃梁夢 謝仕歸

見青山猛自驚又黃梁一夢醒  
喜高鳥脫樊籠寶劍空  
鳴滿桺兵書都沒用  
有慶雲天上生看甘泉地下湧  
說風火九邊寧豫大豐亨  
白髮書生心自醒

漢宮春 過驪山山下有華清池溫水數泓

綉嶺溫泓自艷妃浴後池水難澄  
至今千年粉臭百里

暗腥想當時帶得洗兒湯傾入華清秦下客往迴過此  
風來掩鼻趨行 辱沒山靈并天鑪騰碧地竈燒紅不  
如漉河飄雪灞水逆水却教人到與馬鬼泥一樣看成  
君聽取漁陽鼙鼓方知哲婦傾城

長安月 驪山

望驪山秦宮凌漢周火連天到如今繁華埋瓦礫恩愛  
如褒姒付塵煙周家長秦家短眼前一樣凋殘 嘆溫泉玉  
娥貴妃參乘翠輦鳴鑾到如今西風吹水冷孤月照沙寒

飛霜樓明珠殿無人更倚朱闌

踏莎行 劉道長生子

麟鳳呈祥熊羆夢協明珠掌上圓如月萬家燈火慶長  
年初辰明日元宵節 閤閱高門箕裘世業天公固永  
仁人澤馮京原是玉皇童釋伽親抱來銀闕

浪淘沙 華陰諸生賀程長教會試

師道最尊嚴絳帳高懸門前立雪盡英賢況有文章堪  
樂與苑李翩翩 暫且擁青毡不日鵬搏明年春滿杏

花天聖主臨軒親策士身上金鑾

踏莎行 于少保石將軍

乘勝驕兵憑凌中夏高才謀國于司馬將軍一砲定江

山至今閭巷傳詞話

小說家編成石家詞話優人唱說

莫說南宮覓存

東駕虎符誰向裏藩下智哉長史止王車難將一手瞞

天下

踏莎行 客中清明

萬點紅芳千條金絮韶光爛漫春無際愁人抱病在天



涯却如赤葉霜枝墜 舊塚笙歌新墳涕洟紛紛冷雨  
迷烟樹杏花村有酒縱如泉對壺觴反著鄉心碎

水仙子 秋思

月娟娟空上海棠枝

已無花

風瑟瑟催殘楊柳絲露零零

易落梧桐淚倚西樓看鴈歸 隔天涯萬里相思休說  
到夢中是假暫歡娛還勝醒時夜迢迢夢也還稀

折桂令 金陵

上高城嘆息金陵望不盡萬樹楸梧何處是六代宮庭

陳宋繁華齊梁文藻王謝流風都做了一場話柄還落  
不得半箇虛名只有那江漢多情依舊朝宗寂寞殺夜  
半石頭潮打空城

駐馬聽 春思

春思依依習習和風春晝遲看他遊春杜甫喜見春來  
又怕春歸耽春不覺髣如絲向海棠還問春消息燕語  
鶯啼碧闌干外春光有幾

同前

春雨霏霏綠柳絲絲春漸肥看他萬花枝上都是春光  
蜂蝶休疑擔頭春酒隴頭詩風流人是春光主燕語鶯  
啼碧闌干外春光有幾

滿庭芳 洛陽懷古

深秋旅程邛山雲起洛浦風生風悲雲慘斜陽映往事  
傷情牛羊坂是英雄墳塚禾黍場是帝王宮庭今和古  
成長夢只丟下些虛名虛姓模糊在斷碑中

綿搭絮 邊城春到遲

昏昏漠日下荒臺望遙天極目淒淒春盡邊山花未開  
對寒盃百感興懷家鄉萬里白髮還催何處是渭水秦  
城雪滿紅崖鴈不來

同前 邊城秋來早

邊沙慘慘逐人來見西風纔報新秋赤葉蕭蕭霜已催  
上高臺百感興懷你看那燕關趙塞都做了古往今來  
當不得弔古思鄉野戍淒淒却又畫角哀

駐馬聽 寄答世寧進士壬申

別意悠悠又是西風萬里秋  
那堪雲迷白鴈露冷黃花  
月滿朱樓柳條折斷水東流  
思君一夜把潘腰瘦多少  
離愁輕塵弱草人非如舊

縣搭絮 咸陽懷古

滿堤衰柳暮蟬鳴倚西風駐馬高崗極目咸陽百感生  
嘆英雄霸業成空望不盡寒莎烟荻尋不著漢關秦宮  
只丟下些剩水殘山雲物淒涼落照中

清江引 曉秋

銀箭催更天漸曉金井梧桐落

勞協去

西風小閣寒殘月

疎簾照王仲宣此際愁多少

綠樹滿庭清氣生寶鴨消銀鼎風傳玉鴈聲霜沒金蟬影就不是宋玉也愁難整

樓上殘更鷄叫徹銀蠟還明滅笛飄別院風砧急長廊月蕭條庾信愁難說

河漢西傾生白露三四寒鴉語黃花月下殘紅葉風前舞張衡到此把愁添做五

駐馬聽 餞堯甫舉人時在關中弘治乙丑

夜色蒼蒼酒滿芳樽恨轉長  
那堪聲沉玉漏香盡金鑪  
燭冷銀缸離情纔說兩三行  
簷前却早鷄三唱休題起  
行裝却早把殘魂銷盡不須到灞陵橋上

水仙子 同州道中懷古

落花不見採蓮舟  
亂柳難尋沙苑樓  
莎青白塚清明後  
長春宮廩鹿遊把豪華都做了  
一望荒丘長揚坂繁烟  
埋恨夕陽亭落日生愁  
留不住渭水東流

滿庭芳 送宗周舉人已已京師

陽關柳新玉河波暖燕閣

協稿

春深斜陽滿目增愁悶別

酒重斟北邙坂英雄休問霸陵橋芳勝休尋越堯起離  
人恨似這等浮名絆引只待長卧華山雲

朱履曲 邊城夜雨

對寒燈邊城今夜望長安家山在那些鴈南歸人沒箇  
去時節風瑟瑟催殘漏雨瀟瀟打紅葉多管是替愁人  
來添悶也



駐馬聽 過北邙

落日荒荒羸馬西風度北邙但見寒鴉古木衰草平原  
殘柳長崗纍纍高塚卧斜陽知他是何朝何代何卿相  
展轉思量榮華富貴古為今樣

終歲奔忙十度驅車過北邙當時朱顏綠鬢如今短髮  
蕭蕭古貌蒼蒼五十年一枕夢黃梁到醒來回首堪惆  
悵世路茫茫山河如舊人情新樣

寄生草 晉陽懷歸

卷十二  
晚霜遙玉壘寒晚雲多金臺迴想尊鱸禁不得西風動  
對鶯兒彈不出南薰弄望烟霞丟不下東山景急歸來  
却早是白頭人到此時看破了黃梁夢

又

又不是貪山水又不是愛神仙人家筵席也終須散說  
殺人鶴唳華亭嘆愁殺人烏盡淮陰怨聰明人須早過  
是非關英雄漢挑不起功名擔

肯排山山能撼肯倒海海可翻只是我意兒裏不要緊

心兒裏懶沒來頭無限閑拘管不中用多少閑文案黃  
石橋收了子房編玉門闕掛起班侯劍

又

我本是釣鰲人做不得攀龍客

協上

千萬般怕負了皇恩

大二十年償不盡經綸債兩三翻空惹得青山怪歸來

一嘯海天空醉時節還覺得乾坤窄

協上

洛陽橋春柳新岳陽樓陰風動蔓草長休迷了淵明逕  
華峯高還尋著希夷洞五湖深繫不住陶朱艇養閒身

猿鶴伴丹霄鑄衰顏龍虎蟠金鼎

你看那三傑忙你看那四皓閑漢家青史都把名兒顯  
白樓綠柳是吾家苑渭濱河曲與漁樵伴對知音還取  
古琴彈散幽情細把義經點

朱履曲 思歸

我也曾披金甲坐鎮玉關我也曾步玉階侍講金鑾都  
是一場傀儡鬧喧喧也未必山林好也未必省臺安得  
抽身便宜了千千萬

新水令帶過折桂令 秋思

客窓風雨苦瀟瀟幾番將離魂驚覺

協

晚沙秦苑迥秋

水灞陵遙極目迢迢又天涯一夜曉短髮彫搔病不

相饒愁不相饒為病多減了酒量為愁多瘦了詩腰酒  
量減劉伶潦倒詩腰瘦庾信蕭條鴈下空壕葉落庭臯  
不曉事草砌寒蛩夜深時絮絮叨叨

朱履曲 子房從赤松子遊托也

廷尉司蕭何械繫未央宮韓信誅夷那英雄早已見先

幾赤松子人何在黃石公數真奇知情的只有箇越范  
蠡

新水令帶過折桂令 別仲華進士辛巳

曉亭三疊奏陽關共離情春愁黯黯鶯聲遙入座花氣  
細侵簾梅雨無端把韶光一夜換 休怪我懶上雕鞍  
量這些過隙浮踪消幾度千里關山柳折金絲酒斟玉  
笋詩滿雲箋魏俊逸才高子建晉風流年少潘安苑草  
芊芊渭水川

二句佳景也

也知到後會多期再來時只怕

我兩髻斑斑

鴈兒落聯得勝令 閩中秋邀楊喬夫飲弘治乙

卯

斫霜螯紫蟹鮮傾秋露芳樽滿小園中綠橘垂疎籬下

黃花綻碧亭亭窗外兩峯寒却不覺身在瘴江邊金陡

潼關道

子家也

天台玉瀑泉

喬夫家也

望鄉園萬里雲山遠且

追歡醉如泥錦瑟前



苑洛集卷十二